

دائرة مخصوصه

در سعادتده باب عالی جوارانده

محل اداره :

مشرط قلم

اخطار :

مسلكمزه موافق آثار جديده مع المنوئيه
قبول او انور

درج اينده من آثار اعاده او انور

ديره، فلسفه، علوم، حقوق، ادبياتده و سياستمانده و باطخاصه كرك سياسى و كرك اجتماعى و مدنى احوال و مشهوره اسلاميه و دينى ايدى و هفته ده بر نشر از انور.

آبونه بدلى

صاحب و مؤسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۵	۳۰۵	روبله
سائر ممالك اجنبيه	»	۱۷	۹	فرائق

تاريخ تأسيسى

۱۰ تموز ۳۲۴

قبرله دن مقوا بورو ايله كوندريلىر سه سنوى
۲۰ غروش فضله آلير

عدد : ۶۸

۱۰ ذى الحجه ۳۲۷ پنجه ۱۰ كانون اول ۳۲۵

اوجنچى جلد

عمومك مظهر تصویب و تحسینی اولان اولان بومطالماك ختامندن صكره جمعيتك مؤسسی صفتيله مفتاح السلطنة آروجه حضاره و پرستشكار تعارف اسلام اولانلره بیان تشكرات ايله :
« ملت اسلاميه نك شمدي به قدر ترقیات و مدنيت حاضردهن قابليتی نسبتنده نصيبه دار اوله مامسی و موقع اجتماعیسی دوچار تذل اوله رقی نفوذ سیاسی غائب ایلمسی اسبابی بویه بر کیجه ده ذکر ایتك ایستهم . شمدي برروز و صالدر ، هجراندن شکایت لایق اوله ماز . »
دیمش و بعده مقصد مقدسی دها زیاده ایضاح ایتش اوزره شوصورتله اداره کلام ایلشدر :

« شهره ترقیده طی مسافه نك - برچوق مهالك و موانعه قارشی - یكانه چاردهسی اتحاد اولدینی هر کیجه مسلمدر . ال اله و یرن افراد ، هر درلو خاطراتی دفع ايله حقوق و عظمتلرینی محافظه ایده بیلرلر . علی الخصوص دین مبین اسلامك بو بایده اوامرا کیده و بلیغسی واردر . هر اسلام حكومتته بونکته مهمه به رعایت ایتك اقدام وظائفدر . آسیا حكومات اسلامیهسی بیننده بر تعارف صحیح وجوده کتیرمك املی بنده اوتهدنبری جایگیر ایدی . بعضاً عقلا و خیرخواهان قومك اسبابی احضاره توسل ایلرینی بکوردیم ، بعضاً ده فوران افکار و حسیات ايله بالذات هر نوع فداکارانی اختیاره قرار و یرردیم . « الامو و مرهونه باوقاتما » مفاد نجه وقتا که حکم کردش ایام بنی خاك هندوستانه ایصال ایتدی . کوردیم که مقتضیات وقت ، انقلابات اخیره ، ناصیه مسلمینده بر نشانه کسالت و افسردگی پیدا ایتش . بو تأثرات دخی آمالی تجدد و بنی تشجیع ایلدی . ممالك عثمانیه ايله ایرانیه نك احوال و اوضاعی تغیر پذیر اولوبده مانع مخالفت و اتحاد اولان ردای مظلم آرمدن رفع اولنجه آثار سعادت و اقبال چهره سی کور نمکه باشلادی . هر طرفدن کلان مؤده یمین و مسار ، قلبلر مزده کی امیدلری آرتیردی . بر طرفدن نجف هیئت مقدسه علمیه سنك احکام اکیده سی ، کلکته ده انتشار ایدن جبل المتین غزته سنك نصایح و ارشاداتی ، دیگر طرفدن عثمانی ترقی پرور سنك حصول اتحاد ایچون بذل ایلدکاری مساعدات و توجهات بو انجمنك تسریع اجتماعه وسیله اولمشدر . حضور النبی ده و نزد جناب رسالت پناهیده کی شرمنده لکمز یو کیجه نك آب صفوتیله از الله به چالیشیورز ، پیغمبر مزبو کیجه بزه نظر خوشنودی ايله باقیور . اسلامك تعالی و ترقیسی اساسلرندن برینی بو کیجه وضع ایتدی کمز ایچون بن بو شب معالی مبارکی عموم جهان اسلامه تبریک ایدرم . بز بو کیجه دن اعتباراً یکدیگر مرکز مهربانی و یار وفاداری یز . آرمدن کی اختلافات کلیاً زائل اولمشدر . »

وفا کنیم و مودت کنیم و خوش باشیم
که در طریقت ما ظالمیست رنجیدن

بوندن صكره مفتاح السلطنة نجف هیئت علمیه سی ارکانندن آیه الله مازندرانی حضرتلرینك اولجه وقوع بولار استیضاحه جواباً کوندر دکاری نامه شریف ايله نطفلرینه حسن خاتمه و یره جکنی بیان ایدره نك فقرات مهمه سی اقتباس ایتدی کمز شو مکتوبی علناً اوقومشدر :

بومایده ایران کر برداز اولی مفتاح السلطنة حضرتلرینه « ایکی اصلاح جریده فریده سیله بر قطعه مکتوب شریفلری رسیده دست اعزاز اولدی . اهم تکالیف دینی بولان اتحاد اسلامك تأمین اسباب حصولی امرنده کی حسن نیت و مساعی واقعه لری حقیقه سزاوار تشکر و محمدر . عالم اسلامك بو احتیاج مبرمی فهم وادرا کیده کی استعجالی شمدي به قدر اوغرائیلان محرومیت و فلاکتلرک لطف حقله آرنق پایانه ایردیکنه و بعدما شهره ترقیده مرحله پیمای عز و اقبال اوله جفته دلیل قوی عد اولنه بیلر . صدر اوله کی مسلمانلرک نصف عصر ظرفنده حیرت آور عقول اوله جق صورتده اکتساب ایلدکاری نفوذ و عظمت هپ اسلاف کرامتک مبادی اختلافی قلع و اساس اتحاده توسلری سایه سنده ایدی . »

« ملت اسلامیه نك بو کونکی تنزل اجتماعی و سقوط سیاسیسنده حضرت سیدك زمان خلافتنده حدوث ايله قرناً بعد قرن اولاد و عاقبه سرایت ایده ایده بودرجه عظماده شاخ و برگ پیدا ایلان اختلافات سبب اولمشدر . »

« مع هذا علما و عقلای دینك تشویقات خیر خواهانه سی مظهر تأییدات صمدانیه اوله رقی آز و قتده آثار تفرقه نك کلیاً زائل و فکر واجب الامثال تعارف و اتحادك اذهان ناسده تدریجاً ثابت و راسخ اوله جفته امینم . »

« سید العلما اغا سید عبدالحسین لاری نك بو وظیفه مهمه نك اجر اسنه ممانعت ایتمکه بولندیفته دائر اولان استیضاحاتکزه کلنجه : سابقاده باتلغراف وقوع بولان اشعارات علیه لرینی ، سیدك بو حرکی اسلامیه دشمنلک اولدینی بیانیله طهران و درساعتدن آلدیغمز شدید المال متعدد تلغرافلر ابتداء تأیید ایتش ایدی . بالاخره اجرا ایلدی کمز تحقیقات و محابراتدن و شیراز ايله بندر بوشیردن آلدیغمز تلغرافلر مندرجاتندن بونك سیدی عالم نظرنده لکه لکه چالیشان [بنی قوام] ک نتیجه تحریکاتی اولدینی آکلاشلمشدر . طهران جرائدندن بعضلرینك احوالی تحقیق ایتدن مخالف حقیقت نشر یانده بولنسی نه قدر موجب تأسف ایسه اصلاح غزته سننده کی مطالعات سیاسی نك قیمتی و فوائدی ده اوقدر تشکره سزادر ، بومسلک صحیحده بردوام و نائل موفقیات اوله کز دعاسی همیشه ورد زبانددر ، باقی السلام علیکم ورحمة الله وبرکاته »

هندستانه مسلمانلری هیئت تبریکه سی

هندستانده کائن بومبای شهری ايله سائر بلاد جسمیده ساکن اهالی اسلامیه کنجلی ممالك عثمانیه ده قانون اساسینك تجدد مرعیتله مملکتک مشروطیت ادارهیه مظهریتندن طولانی عثمانی قومنه ایفای تبریک و بومناسبتله خاکسای حضرت امام المسلمینده عرض تعظیم ایلک اوزره بر هیئت مخصوصه تشکیل ایتشلردر . بو هیئتک قریباً هندستاندن شهر مزه کله جکی بیان ایدیلور .

« مطبعة خیریه » و شرکاسی مدیر مسئول : اشرف ارباب